







續文選卷之四

明平原湯紹祖公孟撰

物色

枯樹賦

庾信

殷仲文風流儒雅海內知名代異時移出爲東陽太
守常忽忽不樂顧庭槐而歎曰此樹婆娑生意盡矣
至如白鹿貞松青牛文梓根柢盤魄山崖表裏桂何
事而銷亡桐何爲而半歟昔之三河徙殖九畹移根
開花建始之殿落實睢陽之園聲含嶰谷曲抱雲門

將雛集鳳比翼巢鵝臨風亭而唳鶴對月峽而吟猿
乃有拳曲擁腫盤坳反覆熊彪顧眄魚龍起伏節豎
山連文橫水蹙匠石驚視公輸眩目雕鐫始就剗
仍加平鱗鏟甲落角摧牙重重碎錦片片真花紛披
草樹散亂煙霞若夫松子古度平仲君遷森梢百頃
槎枿千年秦則大夫受職漢則將軍坐焉莫不苔埋
菌壓鳥剝虫穿或低垂於霜露或撼頓於風煙東海
有白木之廟西河有枯桑之社北陸以楊葉爲關南
陵以梅根作冶小山則叢桂畱人扶風則長松繫馬
豈獨城臨細柳之上塞落桃林之下若乃山河阻絕

飄零離別拔本垂淚傷根流血火入空心膏流斷節
橫洞口而歎臥頓山腰而半折文衰者合體俱碎理
正者中心直裂戴癭銜瘤藏穿抱穴木魅暘睽山精
妖孽况復風雲不感羈旅無歸未能採葛還成食薇
沉淪窮巷蕪沒荆扉旣傷搖落彌嗟變衰淮南子云
木葉落長年悲斯之謂矣乃爲歌曰建章三月火黃
河千里槎若非金谷滿園樹卽是河陽一縣花桓大
司馬聞而歎曰昔年移柳依依漢南今看搖落悽愴
江潭樹猶如此人何以堪

古石賦

鄭惟忠

博望侯周遊天下歷覽山川尋長河於異域得美石
而獻焉漢武帝未之奇也東方朔見而喟然曰此石
英輝潤密秀色明爛舊枕昆吾之谿曾臨歸美之岸
玉雉飛而激矢金鷄鳴而縱彈至如天台始裂地乳
初分丹青孕彩隱起成文盈尺則內含明月膚寸則
外吐浮雲別有兩楹分竦雙闕相向依依識啓母之
形亭亭表望夫之狀鼓迎桴而若動帆映舟而似颺
此金流膏曲澗滴髓危峰據谷成虎臨池作龍鋪英
光耀葉千重若乃泗水之上岐山之側撫之則磬

動奇音被之則錦開新色匠石見而驚駭師涓聞而
歎息於是琢磨成狀雕瑩生輝似龜則負圖盤峙如
鵠則緘印騫飛在地者佳人搗練登天者織女支機
及其火烈崑墟星流宋國被隕形碎遭焚影黑碑沉
郢路之東柱折陽關之北昔之開壇竹聳抱劒松抽
礎應山雲之潤橋通海水之流柳谷岸崩之馬鬱林
泥落之牛莫不歲月凋訛丘陵蕪沒顛墜坑穽枕倚
巖窟據洞口而差義出泉心而磈砢徒見新排理圻
舊蹙文迴圓分者雹散方裂者冰開旣藏瑕而被蘚
又抱穴以侵苔豈如寫鏡能明磨鋒可利擊拊充帝

庭之樂關和覩王府之器總五色而補天含九光而
鎮地者矣詞未畢帝乃顧而言曰楚王賁璞棄之山
阿不有卞氏其如玉何抽琴命操爲古石之歌歌曰
江東藏瑞簡濟北蘊兵書若非平固淵中鴈定是昆
明池裏魚歌響旣終神儀有擇左右驚視符彩傍射
使玉人而攻之果得連城之璧

秋賦

盧栢

楚襄王與宋玉游於雲夢之臺含蘭臺之館浮漢沔
略江潭射楊林眺蒙山游旌蛇蟺法象緯燿輝陰三

湘氣彌七澤荷蘭幽以承珮芳桂遠而延輶輦瑤華
之繽紛翔翠羽之鷗翻於時涼月懸珪白露凝輝寒
風鳴條微霜霑衣宵霧靄兮遠山峯暮煙橫兮長河
湄王廼抽牘揄翰以命宋玉曰疇昔雲夢之遊子大
夫爲寡人賦高唐末及蘭臺之駕子大夫爲寡人賦
雄風方今日馳虞淵鷗鵠先鳴汗漫淒淡無以攄情
子大夫未有說乎願爲寡人賦之宋玉於是逡巡改
容釋位離次跪而稱賦曰臣聞天地無閔乾坤斥衍
剛柔沓分時序交禪春華發榮秋實振晏其爲體也
博確鴻固專翕廉凝收歛像類參伍元英乾健不息

弼成罔極上備天道下全王德秋之時義大矣哉夫
其朱明既退招拒斯昂蓐收弭蓋少皞弛裝闢白門
肅金方韜炎颺激清商焦溪涸而不流沸潭潛而弗
揚爾其爲氣也氤氲膠戾淠翻頽隤翳翳綸菌掣蹠
礧需翳翳忽忽撞搪磕礧若廼觸土囊汗污之口噉
大木圉枿之竅燹厲叱嗃廻戲突嘯聒勃碣駭踣蹶
攢號倏拂改節和喁稍嘈崕今若促絃柱而擣箏纂
迤今若逸擠擣而鳴塤囂細組窳圍橫酸鬱陶爾其
爲容也澹淡晻晻皓皛曠曠斥垵澹漫廓落鴻敞荒
裔凌厲上下窳窳黥靄轉薄游氛軼蕩紛態橫出蘊

懷悵惘蕭瑟寂寥惘恨憐悽孤臣孽子遷客棄婦莫
不感心傷氣流涕增欷爾其童濯嶮巘分披崑壘疏
離案衍宣回歎壑泐岸崢嶸羣山蕭索劉厲彌平寂
寥空廓於是清玄海落長江抑舄澤熒扶桑潛溟淖
滴密鱗溯瀼霜凝龍窟霰落鼉房鮫人泣珠海童滅
光陽侯馮夷天吳個像魂銷魄揚率悉愴怳若迺芟
縻森蔚沈寥林澹隳葩搭櫟伐萌沙棠繫精於松檜
之林獵芳於桂椒之圃被杜若委庭蘭蒙江蘼夷射
干翠葉紫莖朱萼秀華隨風振綺應日傾葩於是鴈
遊江浦雀流海濱燕歸玄穴蟬寂窮林蟋蟀宵征鷗

鷄夜吟陰凝氣積萬物凋瘁倘有后斂後時削跡未
逮披零雹衝凍霰折跂裂吻而歿者不可稱計若夫
志士坎壈中人薄寒寒產淹畱感時增歎惻愴迂節
忿督溷恩僚慄於邑絪結弗變此夫閉藏萬有搏節
造化忌盛憂滿唯秋之謝王廼乘戎輅載素旂服白
玉駟雲螭居明堂命將帥誅暴慢明好惡嚴斷刑修
法制繕囹圄決訟獄感氣順化應時承治所以張弛
乎仁義之道彌縫乎禮樂之文於是東漸西被恩殫
無垠修臂鑿齒之邦結宵驩頭之民幪鳳凰箱麒麟
繫猛獸籠文禽薦上國充珍肆於昭聿皇萬萬歲

九日賦

俞允文

肇九旻之令節蕭淒辰之始霜悴百卉於綠林歛萬
實於白藏於時律中無射日躔在房山楸凝丹禽華
吐黃感靈鍾於豐嶺收帝籍於神倉惟日月之垂應
數邁九而皆陽懿嘉名之宜久故高會而薦觴或助
術於彭祖或彌禍於長房或羞實以效新或飡服以
致康若乃駕言龍山於茲飈館登戲馬之楚臺弋翔
鴻於沙苑咸宴凱而稱詩悉鉤奇而摛揆至如紫塞
草白胡山氣高雲物無擾上屬澄霄觔竿精堅弓勁

鷹豪狐兔鮮肥人馬金驕殺千緡之赤羽勒萬騎之
黑貂或翔畋於廣虛之野或校獵於莽蒼之郊彌岡
巒而掩格被川谷而橫捎莫不致奇獲以耀武聊割
鮮而騁豪及夫蘭閨少婦榆關疲客結離思之幽遐
念佳期之永隔睇來鴈而增歎學裁鴛而掩泣寒聲
壯兮悽心脾夜被空兮月入室徒有地兮限南北欲
授服兮無由得恰無由兮思彌深鍼縷列跡兮抽余
心心之抽兮魂四溢魂四溢兮夢難集雖有刀尺兮
忘疇昔或有放臣去國感平分以測景志士思名薄
迅商而孤騫怵憚兮迤邐淹留兮蹇連繁陰積兮鬱

素川雲瞽瞍今蔽窮天悅踟躕而延佇眇去楚而辭
燕於是僕本畸人棲遲丘樊于焉逍遙聊以盤桓驚
四序之改節悲倏忽之徂年想前蹤之攸邁覽窮達
之異源超遐邇以暢志妙衆慮而爲言憂歡軋其相
承兮心與蹟猶未泯世固智寡而艱多兮孰云喻其
萌稊之所先齊萬族乃無累兮求周賈之冥筌庶憑
化以無吝兮還吾反乎自然

菊賦

俞允文

伊茲菊之貞麗挺庶類而擅奇含內美之醇精敷藻

萋之清儀翠葉掩以茝茂紫莖翕其褰襜迎上春而
解作凌九陽而振蕤越流芳於秋坂託纖根於幽崖
揉五色而相宣鬱彪炳其陸離狎鳳子來毛姬繡分
苔徑錦匝烟區影亂葱河之燭光搖兔苑之芝足使
華林掩綉琪樹韜姿晃雕霞之驚絕藹繁星以紛非
矧夫爽籟凝陰涼飈送燠日短晷以向南鴈違寒而
度北露泠吳宮之草波增漢皋之曲人有愁而必盡
物無微而不肅天沈寥兮彌高木蕭槭兮就剥彼晚
榮於此時曾靡渝於茲菊匪負霜而淪操每叅靈而
逾馥值女几而蕃滋出甘津於濬谷纂嘉名於流記

關上藥於丹籙若夫英穎考槃仙徒邁俗或食英以
充虛或擷藥以佩服或咀實以引年或傳葩以代祝
或咽液以療痾或沉醪以媚獨故其爲性也可以比
德而延期其爲芳也可以揚娥而表淑粵有南國大
台中朝元輔覽鳳圖以修文總虎賁而勵武道無謝
於佐殷日有臨於生甫玩玄月之改律又朱明之徂
暑欣年志之樂康省勛庸之豐偉而乃闢華堂涉芳
圃登上客召眞侶烝蘭肴沃歡醕懿珍卉之能靈叶
令辰而燁燁莫不散賞以娛衷仰希曩哲之遺軌於
是復有南園逸叟東海遐賓恭聆勝事緬想清塵慨

服義之旣濶慙酬德之無因遂命圖於縑縞聊稱歌
而遣言歌曰金商戾兮被勁楚月華白兮蟋蟀入戶
清氣乘兮輕桂舉神怡愉兮美無度陽芳絢兮彌終
古宜永御兮壽黃耆願申頌兮承靈祐

護草賦

俞允文

惟玄靈之肇和播黃祇而亶植猗衆芳之薄遽咸效
奇而獻質若夫葉秀萬年之柯枝聯千歲之實標建
木於扶汜飄奇芬於桂域言有誕而匪經賞每遐而
旦測豈如貞卉之紛菲依北堂之奧側蘊天地之純

休體恬愉之粹德系嘉名兮永彰挺上春兮耀色總
修莖兮綖若翠羽騰綠波舒叢葩兮灼若雕霞晃朝
日引崇蘭而汎景轉芳蕙而凝碧香搖少女之風露
湛仙人之液羣貺爲之聲淪殊祥爲之彩沒懿君子
之好和興詩人之詠什是以平章煙館中散雲室子
建弘詞王郎麗筆咸權辭而托思殊未究其旨的於
是爰有汝南貴胄吳郡英賢仰循咳之峻躅遂因心
而致虔躊躇顧慕容與周旋顧斯卉之罕匹著前聞
而有甄處堂階以滋茂諒媲美於慈顏爾乃模妙儀
於象外移瑞色於毫端不順時而屢變長閱歲而凌

寒豈徒勤比興之義工藻繪之妍而已歌曰芬華煌煌振都房乘嬉陽和悅流光邁種厥德信慈良齊微太姒嬉祉昌胤發祥歷壽垂無疆

竹林七賢圖賦

并序

王世貞

友人尤子求作竹林七賢圖遺余既感其事而悲其深旨也因爲賦之遂題焉

鬱叢林之嵯峨兮修篁經乎長薄陰清洛之泝泝兮帶層印以迴絡雲芊眠而欲歸兮風鏦鏦而相搏商妻其徐動兮大火慙以前却上扶疎而不睹白日

今下泠泠度乎澗湍披鳳尾之灘漈兮抽龍鱗而怒
蜿貞幹儼以造天兮秀色婉其可餐瀉淇園之猗猗
兮掩夾池之檀欒實歲時以芬甘兮將以待夫栖鸞
粵有磊塊酒人隗俄玉山命儔挈侶夷猶其間蹙蘇
門之清嘯兮孤鳳噉以穌音奏廣陵之哀散兮蒼龍
贈睞而長吟指九陽而晞髮兮靈颺颺颺而蕩襟屏
心目而靡所營兮任魚鳥之高深彼山公之勝度兮
腹馮馮貯乎滄海向冥心於理窟兮寄莊生之龜水
咸悠然而黜思兮乃研覃工乎人伎伶輔醴啜醢兮
曾不知二豪之所在何濬冲之把臂兮遂忘年以齊

尚目爛爛其若電兮神條條而獨王散斗樞之元精
兮摘天杓以挹漿盼黃公之酒鑪兮曾不悵夫鸛鷀
爾乃白眼迴青蒼顏變頰毋論爾我不知晦明箕踞
偃仰袒裼裸裎憂玉承歌噴珠嗽醒枕怪石裊文苔
燭寒蟾斂春雷陶然而休兀乎自咍唉孔栖與墨突
將如我乎何哉於乎豈伊不思良士瞿瞿豈伊不聞
畏此簡書我儀圖之厥寄有餘慨炎火之西燼復當
塗之陰殄念韜精而螻屈衆思媚夫虎變雖龍性之
莫馴仰鴻冥其已遠寄今古於俄頃束乾坤乎一綫
日流澗而忘歸冀世人之見遺形骸不我卽妻子不

我隨歿便埋我我亦爲誰醒醉終始如環莫倪彼子上與穎考者焉識吾之杜德機亂曰古稱小隱隱林藪兮作者七人乃隱酒兮葆光內融物莫垢兮陋彼鄴下諛骨朽兮千餘年前爾獨賢兮後千餘年吾寧不然兮噫嘻

鳥獸

來鴈賦

并序

俞允文

明府大梁王公以廉平惠愛爲邑而允以文學緣飾之百姓又寧彬彬有單父之理隆慶二年冬十有一

月公在廳事忽有翔鴈降於公庭依遲宛頸畱止不去公乃異而畜之不以籠檻益用柔馴咸謂公之理行不唯孚於民而且暨於翔泳矣昔禰衡爲黃射賦鸚鵡韋誕爲曹公賦山鷄然皆獲自林虞因以致獻猶欲侈之於辭矧夫茲鴈雍雍實有來儀之徵由是士之及公門者金爲賦以獻允文衰蹇伏跡蓬樞公尤禮之齊以古人之度目睹弘美其可缺而無述乎敢輒畢其愚悰用嗣斯作其辭曰

有寒門之逸禽稟壹性之純貞絕大漠以安集介二嶺之崢嶸才識機而遠害性知時以通靈故其族類

雖繁飛翔有序啖食相召鳴號同趣勁翮蹀足黃喙
玄羽汎素壑而並游矯泰清而軒翥伊茲禽之特殊
何鷺雀之足比爰取象以明義亦表德於嘉禮若乃
蓐收戒節月壯霜凝衰草共黃雲一色飄與紫塞俱
平萬里蕭條天高氣清乃違寒而就燠咸嘯侶而鳴
羣度關山之無極翩嘹嘹以南征望煙路而中憇遵
枉渚以自營忽蒼茫以頽落趨單父之諍庭且其容
止柔馴徘徊延佇無籠檻以羈縻甘輯翼而自弭豈
闇霧之相失將疾風之乍驚懼鷺擊之遄迫怯虞機
之見撓抑毛羽之摧瘁竟偏特而伶俜顧日暮而塗

遠悵中心之有懲遂歸仁於君子偶來儀之瑞徵於
是飼以稻粱豐其肌體諒俎味之至珍終周防以休
處及夫洞庭水綠吳苑花繁青春麗兮燕已還望故
鄉今渺關山嗟儔侶之偕逝獨棲遲而莫從遭此世
之嶮巇惓惓毒之切躬幸微軀之見托荷盛德之能
容輯風雲之遐想狎階墀之近踪庶承君之惠渥長
保已而永終

蟋蟀賦

并序

俞允文

蟋蟀秋蟲也猛性嗜鬪志在必勝其鳴聲又特悲壯

歷世才士所爲詩歌咸非專賦郭崔之博物多識又
絕無定名率皆相襲而未盡其理因綴敘其所產化
聊以備數焉其辭曰

伊蟋蟀之微眇兮惟秋蟲之獨靈含春華之昭質兮
吸玉液之清泠性耿介以毅武兮才盡節以標輕挺
天姿而無因兮相歷覽其修能不程才以知類兮豈
瓌異而見珍爾其爲類也則有嗟嗟澇淩叫嘯魁圻
崩榛灌莽之原渟渟淺草之區綠房紫莖之固黃苔
白蘋之陂堀堦鬱燠漆灘沮洳埃藹菸萑夕勁朝晞

溼溼濕濕底壅腐餘芴焉是產爲蠅爲蛆別有複閣
成臺離榭幽堂玄疏黑礪之室曲瓊椒塗之房蘭金
藻玉之宮璇題縹壁之廬清馨轉蕙之館晏溫流香
之渠爰有麗人妙妓姣女妖姬姘態柔情妖蠱嬌窳
盤衍其中者忘日夜而冥迷嬉綠烟燼朱輝或乃淪
精降魄含形儲軀詭色非純正氣戾違由斯言之未
足稱奇余固可得而略也至若月竈風丘蒸巒霧谷
炎厓錡甌以屹嶮露壑崔嵬以峴嶢刻施巷路峴嶢
隈隩蹊絕往蹤數斷來牧若乃眴豹孽狐魑魍獾狙
鞅傘格磔乎其側王虺巴虵毒螫巨螻歟尼陵邪乎

其傍雄鴟猛鷲雕鷹俊鵠咆嗥亶翔乎其巔赤螳玄
蜂射蜚蠹蝎噬嗜剖殛乎其陽山魃木魅陰鬼厲神
熊熊焉魂魂焉鋴窟宅而跳陸梁復有千年積歿之
樹孤軍隕骸之阬蕭蕭古趙簌簌蕪城仆雷之幹屹
雲之楨櫺兮楸兮若陀若崩疊衆怪攢百靈壯瑰偉
之所積卒成氣乎奇生其爲狀也則有敦肱紫茜平
膚銀液斷斲霜葩股弩狙戟翅鏤流金翼凝點漆頂
渥丹砂項堅青護鋸牙辟灌以齧齧臣顙礪礪而簡
積馮馮兮駉駉駘駘兮鬣鬣何奇形而異模差可仿
象而黻黼亦將有公子王孫倖豎權戚驃將豪商游

俠燕飾三川五都之雄六郡三輔之客厭百戲之已
疲歎黃金之無益聆烈音之硃礫美節鄂之岑嶺命
林穴以彌秋兮彈曜靈使西沉揮赫燁以列炬兮戒
富媼以見琛爾乃頽玄顏炘浮林鬪獬獬躡獐獐
嶄巖創岑峯飛聰硃濛沉明突冥巧網四匝狡穴三
門雲布星羅下無軼奔闌葺殪魁梧臻畢獻所獲犒
其最勤納以琦璜之窩飴以珠穗之榮沐以華清之
潔晞以赫戲之晶攬翠散之纒緹擣青蠅之臊腥信
襲養之旣和率應機而莫櫻於是命儔集好駢駕連
綏相與狠觀夫戰鬥之變態廉度其勝負之殊形各

施綵以代幟均約結以定盟設誘詭聒用壯敵情其
始也則跋跋躍躍躡躡躡躡或峙若植鐵或蹶如陷
石或囁哈而彪休或趨捷以狼戾或深沉似保介或
佯攘象赴勢或怵怵伺抽憑或桓桓包懷愾乍渾奔
以相囓儵急對而分躡擇肉而喇嗽拉折扼吭而扳
翻秘批聲碎磕以先鳴騁後凱而彌厲或逐北而隨
旋或受詘以凌遽固三接而三捷亦再角而再礪循
性情之自然陋孫吳之韜秘然後衆變殫單伎虺怯
負者愁賄助勝者榮立價傾兩都射溢千鎰功以虓
武見貴名以將軍是榮豈獨衛鶴乘軒秦松受職此

固媮樂之方信足以極一時之偉奇也若乃燕地飛
霜楚水增瀾天峭嶸而短景風颼颼而薄寒才已盡
而見放形枯槁而摧殘聲酷烈而不舒夜漫漫其未
闌感唐風之覽化興楚客之永歎亦有貧士失職獨
婦棲山久客登樓愛子戍關畸人鞠而無偶壯士去
而不還臨年被戮之孤垂老欲別之鰥忽傾耳以頹
思何愁戚之多顏心有懲而彌亂涕無從而獨潛奚
哀音之中人今誰能破涕而爲歡蓋亦聲音之至妙
也豈若簫琴之比律於夔襄昆蛟之吐嘒蜿蜒云爾
哉亂曰素節玉貞類介士兮雲翼振振發皓商兮馮

化撰體靡有方今窮陰彌割陽精降兮雖有奇心怊
替爽兮俾協歌詩聞靈藏兮

白鸚鵡賦

并序

王世貞

鸚鵡純綠色以其喙紅黑爲雄雌見鐵圍山叢談而
白者紅者五色者最不易得北戶錄桂海志皆稱白
者稍大於他鸚鵡冠有五羽若護華作輕黃色怒則
盡張尾截於鵠外粉內蜜余從友人徐子與所見之
果爾而靈慧秀俊依人可憐子與以余之喜之也舉
籠以贈而徵一賦焉其視正平不能彷彿視延年摩

詰或差有致耳

猗西域之慧羽稟金方之淑潤頻迦授以仙音孟虧
錫其美胤倘瑤池之托質何青鳥之傳信冠擬護而
三秀尾如鵠而偏俊若乃孕別雌雄喙分丹黑黑則
片葉破霜丹則微苞坼白豈辨口之象人實靈心之
天錫忽乎穿林閃銀梭之透機舒而飲泉儼螺觴之
承瀝於是虞人慙慙以進羅射師屏營而却弩雖靡
逃乎一目幸毋損其片羽強徬徨而就食中掩抑而
思土塊焉獨處悄然私語彼越裳之遙使何異德而
並依此隴首之下儔復質是而文非出入珠恩夷猶

紫微感異夢於司空受真經乎貴妃爾其性含雅馴
度絕驚怒皓魄增輝飛霞奪素壁人出則一市盡傾
玉奴入則六宮爭妬何郎傅粉以清言杞婦被縞而
悲訴偶失身於罝網遂長辭於林樾足何辜而見維
翮奚妨而遭鍛嗟半菽之示恩均轍淖以苟活顧壺
冰以憐影臨綺颺而捫舌乃有謝豹勸歸倉庚和歌
聞音似友辨字則訛彼栖鵑之濯濯或舞鶴之傴傴
儼長狄之來魯郊非族類其奈何是以絕念戒荒甘
心謝庭藉玉樹以長棲顧瑤草而怡情啜三危之澄
漿飯九光之秀莖願得臣弇州之大鳥相與誦聖

瑞於千齡

志

悔賦

并序

梁簡文帝

夫機難預知知機者上智智以運已迷已者庸夫故
易曰吉凶悔吝生乎動者也又曰悔吝者憂虞之象
也傳曰九德不讐作事無悔是以鄭國盜多大叔之
恨表衛風義失宣公之刺彰無將詠興龔事書作季
文再思而未可南容三復而不暇余以固陋之資慎
履水之誠竊服楚王之對每徵后稷之詩觸類而長

乃爲賦曰

默默不怡恍若有遺四壁無寓三階寡趣月露澄曉
風柳悲暮庭鶴雙舞檐鳥獨赴幘林宗之巾馮南郭
之几玄德之牀聊縈子安之嘯時起靜思悔吝鋪究
前史吊古傷今驚憂嘆圯成敗之蹤得失之理莫不
關此令終由乎謀始棄夸言於頓丘重前非於遽子
蹟夫履車之人豈止一途而已至如秦兼四海之尊
握天下之富混一車書鞭笞宇宙胡亥之寄已危萬
代之祀難構阿衡失責成之所趙高秉棟梁之授拒
諫逞刑戮宰誅守矜上林之戲馬嘉長楊之射獸囂

咄禁中之言欺侮山東之寇及其祠崇涇水作釁夷
宮從希與妻子伍下願與黔首同信殪絕於凶醜何
前謀之不工至如下相項籍才氣過人拔山靡類扛
鼎絕倫聲駕盛漢勢壓餘秦鉅鹿有動天之卒轅門
有屈膝之賓旣刊有功之印亦疑奇計之臣唱鷄鳴
於垓下泣悲歌於美人抱烏江之獨媿分漢騎之餘
身郭君失位徒馭而亡尚悲殘軀獨飲餘漿枕畚空
臥伏軾懷傷魂飄原塹骨餌豺狼楚王刻鶴播徙南
地鐃管徒鳴才人空置豈輜車之足榮匪射獵之娛
意幽泉斯卽白日何冀寧喜納君恃功肆寵衛侯厭

黷忠臣憤勇昏迷靡悟敗不旋踵商君被執李斯赴
收身居闕下命厄秦囚追傷用法之弊還思不諫之
尤亦何解於今酷終無追於昔謀伯卓跋扈豺目爲
輔弑君殤子誅李害杜鬻恩敗寵怨庶虐人蔽朝政
之聰察害上書之烈臣榮暱子於阿尹肆貪濁之淫
威樹奸黨於宮禁察人主之纖微卒其膏鈇潤鉞寘
繆逢徽壯武英逸才爲時出陸離儒雅照爛文筆江
東啓吞併之籌幽州著懷遠之術運鍾毀冕時屬傾
顛鋪鳴水濶日黑山遷畱卞之謀不決忠良之戮已
纏台燿之災雖啓鷦鷯之賦徒然士衡文傑綽有餘

裕氣含珠璧情蘊雲霧志闕沉隱心耽進趣偶茲猛
衆臨此勁兵抗言孟玖肆此孤貞牋辭已切墨懷徒
榮形殞河上心憶華亭若夫楊惲狂言灌夫矢志卒
其殞命埋軀傷形屬吏周君飲後裴子酣狂靳固紀
瞻之妾睨臥季倫之房亦足以魂驚神爽悔結嫌彰
已矣哉波瀾動今昧前期庸夫救今多自欺不遠而
復幸無咄建功立德有常基胸馳臆斷多失之前言
往行可爲師

修心賦

并序

江總

太清四年秋七月避地於會稽龍華寺此伽藍者余
六世祖宋尚書右僕射州陵侯元嘉二十四年之所
構也侯之王父晉護軍將軍彪昔涖此邦卜居山陰
都陽里貽厥子孫有終焉之志寺域則宅之舊基左
江右湖面山背壑東西陵跨南北紆縈聊與苦節名
僧同銷日月曉修經戒夕覽圖書寢處風雲馮棲水
月不意華戎莫辨朝市傾淪以此傷情固可知矣啜
泣濡翰豈攄鬱結庶後生君子憫余此槩焉

嘉南斗之分次肇東越之靈秘表檜風於韓什著鎮
山於周紀蘊大禹之金書鐫暴秦之石字太史來而

探穴鍾離去而開筭信竹箭之爲珍何砥砭之空面
奉盛德之鴻祀寓安禪之古寺寔豫章之舊園成
金之勝地遂寂默之幽心若鏡心之遠尋面曾阜之
超忽邇平湖之迥深山條偃蹇水葉浸淫挂猿朝落
饑麗夜吟果叢藥苑桃蹊橘林梢雲拂日結暗生陰
保自然之雅趣鄙人間之荒雜望島嶼之邐迥面江
源之重沓汎流月之夜迴曳光煙之曉匝風引蜩而
嘶噪雨鳴林而脩颯鳥稍狎而知來雲無情而自合
邇乃埜開靈塔地築禪居喜園超滯樂樹扶疎經行
藉草宴坐臨渠持戒振錫庇影甘蔬堅固之林可喻

寂滅之塲，蹶如異曲終而悲起，非木落而愁如豈降
志而辱身，不露才而揚已，鍾風雨之掩藹，倦鷄鳴之
聒耳，幸避地而高棲，馮調御之遺旨，折四辨之微言，
悟三乘之妙理，遣十纏之繫縛，祛五惑之塵滓，久遺
榮於世利，庶忘累於妻子，感意氣於疇昔，寄知音於
來祀，何遠客之可悲，私自憐其何已。

述志賦

并序

隋蕭皇后

帝每遊幸，后常不隨，從時復見帝，失德心，知不敢措
言，因爲述志賦以自寄，其詞曰：

承積善之餘慶備箕箒于皇庭恐修名之不立時負
累於先靈廼夙夜而匪懈寔寅懼於玄冥雖自強而
不息亮愚懵之多滯思盡節於天衢才追心而弗逮
寔庸薄之多幸荷隆寵之嘉惠賴天高而地厚屬王
道之昇平均二儀之覆載與日月而齊明廼春生以
夏長等品物而同榮願立志於恭儉私自兢於戒盈
孰有念於知足苟無希於濫名惟至德之弘深情不
適於聲色感懷舊之餘恩求故劒於宸極叨不世之
殊恩謬非才而奉職何寵祿之踰分撫胸襟兮未識
雖沐浴於恩光內慙惶而累息顧微躬之寡昧思令

淑之良難寔不遑於啓處將何情而自安若臨深而履薄心戰慄其如寒夫居高思危持滿防溢如恣夸之非道乃攝生於冲謐嗟寵辱之易驚上無爲而抱一履謙光而守貞且顧安乎容膝珠簾玉箔之奇金屋瑤臺之美雖時俗之崇麗蓋吾人之所鄙何絺綌之不工豈絲竹而喧耳知道德之可尊明善惡之由已屏翬煩之俗慮乃伏膺於經史綜箴誠以訓心觀女圖而作軌遵古賢之令範冀福祿之能綏時修躬而三省覺今是而昨非嗤黃老之捐思信爲善之何依慕周姬之遺風美虞妃之聖則仰先哲之高才貴

至人之休德質菲薄而難蹤心恬愉而去惑乃平生
之耿介寔禮義之所遵雖生質之不敏庶積行以成
仁懼達人之益寡謂何求而自陳誠素志之難寫同
絕筆於獲麟

省愆賦

李夢陽

伊余幼好此騏驥兮服偃蹇以驕驚載銜轡而周流
兮耿旣得此中路余謂秉質曷固兮謂蘭蕙介而過
疑援鳴鳩使爲理兮俾高舉而並馳旣婞直而不豫
兮又任怨而于際固羣吠之難犯兮每貼危而弗懼

余豈不知嶢嶢者之寡完兮羗堅忍而弗懲驟諫諍
以離尤兮莽飄風之相仍交不深而易絕兮儵中道
而改度媒阻絕之不通兮焉孰導余以前路放子吟
而掩涕兮逐臣去而不還紆鬱邑以屈抑兮恐日薄
於西山浮洋洋余焉極兮濫逶移而游淫相曹梁之
廢墟兮攬長河之緒風信孔樂非我願兮望北嶺而
歔歔效桃鳥以自珍兮邁羅網之不意憐赫夏以桎
梏兮雷無雲而晝鳴愍棘扉之卑惡兮夜不見月與
星吾聞湯文遭繫兮豈其博修之故惟鄙人之不葵
今固宜蒙詬而逢怒步庭堦而遙望兮宮殿鬱而槩

天願敞志之無路兮倚北戶而嬋媛觀炎焱之塌埃
兮地沮洳又蕪穢哭與哭之相聞兮對飲食而不能
下怨長日而望夜兮夜明闇又若歲蚊蝎伺人以唐
旁兮鼠登牀而鳴逝怵侘僚余隱軫兮哀民生之多
蠻數惟萬變豈其可槩兮孰渙忍而不踰援往聖以
爲程兮按余志且焉止戢夢忽乎余上征兮魂浮游
之逖逖過太儀叩天閭兮捫白榆之歷歷進不入以
遭迴兮退余將覽天下土馮玄雲以相羊兮洵極樂
而無所撫辰星以攄虜兮擬雄虹而降觀飲積清之
涼兮依北斗而浩歎何民生之錯雜兮紛既有此

多難心猶豫而內訟兮悔有目之不見寤周覽以增
歎兮塊獨處此幽域鴟鴞萃而翔舞兮鳳鳥饑而夜
食衆輟杳以自媚兮焉誰察余之憂憂閔芳華之需
落兮秋風至而改期颼蕭颼以摧容兮天淫淫又陰
雨幽屋破而下淋兮牀一夜而十徙怲蘊愉以省故
兮冀一見之不可得日昧昧以將入兮掩衾裯而太
息惜余年之強壯兮常坎軻而滯畱憐鬢黶之漸變
兮恐芳草爲之先秋情有感而難忘兮性有紕而不
釋念昔者之周渥兮孰堅忍而拋擲聞紆壹以怵瞽
兮竊陳詩以自抒懼言弱而道阻兮恒潛隱而思慮

戎旅賦

楊慎

恭承恩譴兮于役滇越捐珮江皋兮解紳雲闕三陟
崔崔兮九折黜黜不日不月兮遂屆窮髮撫孤旅而
悄脰兮揜衆困而慙心悵圭籥之駸遄兮逾四稔而
迄今父母孔遠兮懿親離而北南類連達而分衢兮
似同波而殊潯慈烏忻於共巢兮恒鳥悲乎異林彼
織羽之微族兮亦命侶而踈跣何生人之含靈兮乃
離羣而弗如詠清人之介駟兮感放士之鳴鶴姬公
畏於熠燿兮尼父惜夫螻蛄屈托乘于螭豹兮莊寄

徑于魁魍在聖哲而固然兮攬古人而重歛哀吾生
之罹郵兮背中土而播荒粵戴盆而伏巖兮望崦嵫
之末光神悅恨而蜚颺兮形嚮卷而愴囊睇孫水之
浩渺兮瞻靈關之峻極聆猩猩之夜啼兮履狒狒之
朝跡尋終古之攸居兮問祝融之昔宅胥靡登而不
懼兮魍魎過而奚慄崛岉颺揚兮含沙影流喟茲徂
春兮忽焉杪秋月令殊於九州兮瘴卉華而歲周若
有人兮好我携旨酒兮思柔采檳郎兮綴扶畱贈相
離兮結忘憂寒鷄兮爲脯露江魚兮爲修瀕歌兮
嚶舞白日逝兮玄景浮獨持觴而懷遠兮雜歎歎其

向陬遂還軫而休室今隱零雨平寂夜引簟枕而假
寐今遙夢歸乎親舍家人嘻以款語今閭里紛其來
訝衆鷄鳴而驚余今晨光眴乎東射悵夢歡而覺悲
兮淚承睫而交下假靈氛以歷占兮援龜頌兮余謝
曰明庭其布德兮子行歸乎肆赦系曰莫靡荒服自
中古今日月之表燭不普兮章亥步窮禹罔睹兮蘭
津開道行商苦兮碧鷄望祭使者阻兮余亦何爲恒
此土兮金躍不祥順勿忤兮樂天知命去何憚兮

思友賦

夏邦謨

何繁思之糾結兮中悶瞀以罔休晝屢餐而調饌
寧膳餽之匪羞夢雜糅以恍惘兮曼旅夜之悠悠息
壅翳其煩促兮心震蕩而若浮氣鬱鬱以填臆兮淚
熒熒而漲眸志沉抑而慊慊兮魂離散而難收羅顛
躓以厄窮兮茲遷逐於海隅哀蕪城之卑溼兮古淠
廣之所都形孑孑而窘束兮竊滯此其窮途覽芳菲
之變化兮恒感物以增愁獸求曹而躑躅兮鳥失侶
而啁啾矧離索之悽惻兮顧寂歷而無儔寥廓落而
冥寞兮阻容與以優游極兄弟於四海兮偉曠士之
徽猷人固各有所志兮焉深淺其相伴豈不語洽而

貌澤兮惟知心之難求慨仲身之多顙兮得鮑叔而
攄幽僑札相感於傾蓋兮或獻紆而縞酬仰尼父之
禮瑗使兮慕贈處於回由世重陳雷之懿行兮况以
膠漆之相投王貢出以類聚兮慶廉義以爲疇古固
敦斯軌躅兮余於是之敢偷伐木興刺於鳥鳴兮谷
風以棄予爲仇張陳隙以反目兮蕭朱卒牂然其相
矛悲夫人之昧昧兮胡纖介而成詭喟斷金之日遠
兮懼麗澤之皆流時矯首以遙望兮眇雲木之相樛
夏山川之蔽虧兮邈傳置之迥修月輝輝而照夜兮
霜稜稜以驚秋風蕭蕭而振樹兮雨汨汨以沉丘情

縹緲以快悵兮然侘傺而夷猶懷孤憤以紆鬱兮遭
迴腸而優柔嗟百歲之易邁兮胡歡寡而多憂當其
羣嬉而愉樂兮寧知愁苦而淹留欲剪迹而橫逝兮
非弱質之勝褻欲蕩志以怡悅兮畏淫肆之爲尤固
自厲其不豫兮惟靜默之相攸庶尚友於古人兮考
往則以臧謀

悼時賦

并序

王廷相

予謫毫之明年爲正德己巳時政愈急抑鬱憤悶臥
郡齋者數月乃賦以自釋其辭曰

何予生之弗獲於時兮熙和返而凄其固玄化之有
變革兮情沉抑而如危蒼梧邈而皇逝兮重華逃以
何追畢原蕪而鳳隱兮文胡爲而在茲繫哲謨將以
援世兮衆咸難予之施豈弗省同流之爲自全兮非
素心之所期虎九關而嚇衆兮鴉羣嘯而晝翔靈曜
留其冥塞兮兩儀黯黩而不彰巉喬嶽以路絕兮江
河廣而無梁帝遠而不照予之忠誠兮知進退之不
予臧訕同心以求正節兮曰聖哲之所常年鼎鼎不
予貸兮恐清修之不揚希鳳鳥爲友于兮接文鶴爲
予侶結薜荔以爲紳兮帶芳杜與幽芷予恃此以自

媚兮奚取容於羣子苟終獲此皜皜兮雖沒齡而靡
悔彼飭婪而好進兮予犯衆忌而獲愆恒申申以忠
告兮彼朋訾而不予然嗟時命之不可追兮矧毒夫
之乘權在聖智或靡周兮予孱劣而奚宣強心娛而
偷安兮非道軌之所尚覽彭咸之茂潔兮紛覲面於
俯仰哀日暮而途迫兮胡不高駕而獨往苟予踪之
可以遁滅兮又何情戀於吾黨涉淇河以揚舲兮汎
滄海之三洲登崆峒以發軔兮歷五嶽之崇丘雲霧
隱而蔽虧兮潮森森而吞舟叢萬嶮之不可越兮叫
帝閭而無由將東浮於三韓兮南走乎盤瓠之野趨

疏勒之龍沙兮及華胥於西夏
遞重譯而靡通兮雖語笑之莫辯
俗淫悍而殊中土兮更陰陽之爲沴
云僻陋之可居兮要情性之舒展
吾生尚不自得兮何九夷之爲善
超三山於鰲極兮栖神洲以爲家
友羽人以徜徉兮接浮丘之靈槎
駕玄虬以遠遊兮折若木之瑤華
捫三辰而載歌兮凌倒景而迴車
固蒙莊有此寓說兮寔杳茫之無據
予豈貪生之常流兮迷異道而誣世
諸有求而莫獲兮反予聰而大觀
予苟不畔於道渠兮行窮困而志完
矧沉冥爲真詮兮終解脫乎憂患
要時命之可俟兮胡悒悒以長歎
亂曰

維河瀟瀟有泚清兮北谷之甯鼉爲陵兮泮水滔
底平成兮理亂相禪靡常形兮詹尹著筌蔑以徵兮
卓彼高士遺厥榮兮順命適變聖通明兮殷憂冲
文伯興兮履危俟時集爾慶兮委順抱一維士之貞
兮

思歸賦

袁袞

旅荒徼以羈處兮心忡忡而多憂陽春逝以流邁兮
曜靈迅馳而不畱涉恢台之炎夏兮赫焦灼以鬱蒸
瘴曠曠以中人兮觸沉痾以驟興寒熱搏而襲途兮

苦疢崇之相乘乏單豹之內養今二豎伏而伺升哀
吾生之孔艱今逢百罹以備嘗進觸藩以跼蹐今退
曳尾而摧藏嘉魯連之肆志今雖貧賤其何傷世好
朋而習佞今思倖直之構殃遜幽谷以逾紀今忽奔
走乎遐方豈好爵之我縻今實簡書之可畏收孟明
於三北今蒙羸繆之渥惠奉周任之炯戒今勉陳力
以就位冀鉛刀之一割今庶伐檀之無媿老冉冉之
將至今疾疢糾其相仍俟河清之幾時今恐朝露之
易零誦夫子之雅言今疾沒世之無稱紛王事之鞅
掌今籲天闔而乞身積頽思而寢息今憎愠憊以怵

惕中情之莫我察兮眷懷歸而未得夜申旦以不
寐今就角枕而反側蟲翳翳以潛飛兮聽空除之蟋
蟀先秋氣以哀嗟兮感時物之數易魂營營以夢歸
兮睹故鄉之髣髴歛驚寤以在床兮怊懔怳而悠悠
昔鍾儀之囚晉兮操土風而不忘彼莊舄之仕楚兮
詠越聲以徬徨覽季倫之奏引兮思娛老於河陽繹
陶令之賦辭兮修初服於柴桑人情各懷土兮豈必
經營乎四方余旣不能徇華以苟祿兮又焉能棲棲
於此邦孔接淅以違齊兮軻濡滯而出晝欽疏傳之
炳幾兮脫桎梏於組綬梁歌噫以竄稽兮梅挂冠以

遜吳仲樂志於園藪今張興思於蓴鱸鴻冥冥於寥
廓兮超繳繒而遠徂非斯人其誰與歸兮永逍遙於
江湖亂曰玄鶚黑鳥號寢宮兮鳳凰翩飛匿林中兮
人各有心紛不同兮靜躁殊趣貴中庸兮塊獨居此
將安從兮我思古人希哲蹤兮

酬德賦

并序

盧枏

昔謝宣城作酬德賦以報沈侯彼特腴風雅之賞
國士之眷爾枏自庚子歲被誣繫獄十年餘自
分朽體永絕人世趙王殿下閤下枏四賦灑以
膚藻用

雪梧臺之寃壬子冬栢旣以 上命平反廼如趙朝
謝王哀其窮錫之珍饌肉藥寵龍渙翰天日疊耀方
之宣城所感爲德何如然神以理超情以文遣匪辭
之麗斯焉取酬於是因謝名篇聊著鄙賦其辭曰
唯岷岑之培塿兮黎水淆而停秋淑氣殫以滄漼兮
諒非胤之多尤犵蠓蠓之微姿兮顧厲響而長浮爾
廼歲旣暮時將竭寒蜚鳴流芳歇搖落洲渚次巖丘
樊千里直視黯然銷魂情感鷄愁淒斷猿悵氛濁
之褊狹馳清想於天漭慨夸父之鄧林吊燭龍於崑
崙縹余馬兮扶桑枝涉余轡兮桂水湍拾江妃之明

璫跨湘靈之翠鑾於是崑嶽互起江河橫變封豕臥
啼雄虺坐眄夙露傷足晨風瘁肝汨海濟以傾撒欬
凌風而鍛翰豈蒼蠅之點玉實萋菲之交煽囚圜土
兮曳長纓俛冤頸兮泣吞聲仰飛鳥兮不可攀思日
月兮何時明嘉虞卿之撰籍希黃霸之授經簡一閱
而三歎魂竟夕以九升志沉緬以鬱陶氣於邑而填
膺揮思彤管裂衷作素秋蒞就章風謠託賦信陰陽
之迭運躋虧盈之無愆將長號於帝閭賴造始於英
藩偉神聖之授彩播天人之名篇泝瀝液以淫灑紛
藻潤而芳妍振金碧之琳琅炤丹臚之瑋爛卷雲涌

以霞駁倏龍變而鳥騫皎若凌天河窺織女雲漢之
章鏘若升清廟聆師涓洞瑟之絃隋末伎於何李藉
隆譽於謝田翼二京之可紹埒三都之金鶚警司命
之炯旨歎士師之酸言爾廼聲流臣工華照八表市
虎解讒亭姬雪慘返景崦嵫合劍龍沼起灰甃兮發
夜臺披雲霧今天門開攬衣帶兮非疇昔聊躑躅兮
心魂哀於是緩貳負之虐械啓華表之靈思雖城郭
其如故已人民之半非陟北堂以徬徨痛考妣之先
違二稚逝以如往一女殞而方歸彼蓬婦之苟活亦
老醜而堪悲涉園亭以凝眺見蒹葭之蒼蒼橋樞生

以斷石壁侈阤而橫窓雲幽咽於翠岫葉蕭瑟於
林瑤草委兮菸壑桂枝凋兮垂墻望佳人兮不還歲
將杪兮怨長於是季冬嚴寒北風騷屑江雲結凍海
煙飛雪蒼隼凌飈代馬警節邁世懷賢銜恩赴國仰
攀嶺峴俯涉清冽揭閭闔以延佇遵玉階而屏營壁
連錢以銜缸牖疏鏤而瑣青爛昭華於東序裊翠葆
於西清擬承明之彤廬或曰天之帝庭罔虬顏之萃
渥冠日表之奇榮侍螭頭以陳辭撫龍翼而若驚爾
迺玉音綸發神衷燦亮天風四敷春陽疊暢八珍馨
流三鸞芬颺馳羹已霑鳳炙再貺醴酒陳兮汎翠瀾

醉起舞兮嬌朱顏願君王今惠一見壽千秋兮歌瑤
壇精髣髴其如思情邑鬱而弗安步徙倚以舛陞涕
淋浪而流泉將振翮以遐舉忽掩臆而長歎玄雲鬱
以凝盼悲風颯而無端昔園門之多險嬰金鐵之拘
聯效魑魅之微軀望豺虎之一餐敢謬想於煙闕覽
清輝於鳳鸞德裕命而匪測恩潤身於無垠幸濡翰
於執圉銜一羽而塞乎巨川廼爲之謠曰若有人兮
滄海湄吸光景兮馭雲螭時蹇產兮隳淵涯宛將逝
兮長離思大人造兮叅南離恢冤網兮超塗泥惠芳
�腆兮恩不訾誠旣感兮我心悲掄丹悃兮歷賦詩彌

億萬兮英聲垂

壽成臯王賦

盧枏

梁孝王讌賓兔園相如在位王授簡於相如曰寡人
壽願爲我賦之相如避席再拜曰唯唯夫壽天地之
希齡大王知壽然未聞王之壽大庶人之壽小也王
曰庶人之壽何如對曰庶人凡夥品類各異若夫奇
商巨賈征戍之客酈工浮游田父跼蹐黃冠玄牝緇
衣閒適每遇誕期佳思聿興殺酒矜設招致友生縉
藻匪施滢碧無傾帷幔起兮露色寒琴調急兮霜華

凝曾爲歡之幾何旋紛擾而咿嚶若大王之壽元辰
未屆百司豫啓瓊珠之宮金華之里象棲龜屏鸞茵
犀几窮奇怪獸含香吐馨雲氣四散化爲仙靈綺麗
恍忽奪人目精於是石渠金馬之士逕坐駢至充乎
後庭炮翠麟脯霜鯨宴素日張金燈攘皓腕之鴛袖
映繡柱之鴻箏調採菱之豔譜發遏雲之新聲歌曰
帝子降兮金井寒集瑤池兮驟白鸞儕遐齡兮千萬
歲與佳人兮長盤桓爾廼分曹投博飛觥舉白促席
交膝簪珥狼籍玉衡斜漢金虬水澁然後歛儀肅容
悄然言別揚旌離館迴鑾東闕此所謂大王之壽非

夫凡民所得擬也王廼釋位就相如坐以酒觴相如
曰寡人之壽若是其大微子之言寡人弗知也是後
益親幸以相如爲上大夫

續文選卷第五

明平原湯紹祖公孟撰

哀傷

擬恨賦

李白

晨登太山一望蒿里松楸骨寒宿草墳毀浮生可嗟
大運同此於未僕不壯天慨慷不歇仰思前賢飲恨
而歿昔如漢祖龍躍羣雄競奔提劍叱咤指麾中原
東馳勃解西漂崑崙斷蛇奮怒掃清國步握瑤圖而
倏昇登紫壇而雄顧一朝長辭天下縞素若乃項王

虎鬪白日爭輝拔山力盡蓋世心微聞楚歌之四合
知漢卒之重圍帳中劒舞泣挫雄威騅兮不逝喑噫
何歸至如荆卿入秦直度易水長虹貫日寒風颯起
遠讐始皇擬報太子奇謀不成憤惋而歿若夫陳后
失寵長門掩扉日冷金殿霜湧錦衣春草罷絳秋螢
亂飛恨桃李之委絕思君王之有違昔者屈原旣放
遷於湘流心歿舊楚魂飛長楸聽江楓之嫋嫋聞嶺
狖之啾啾永埋骨於淶水怨懷王之不收及夫李斯
受戮神氣黯然左右垂泣精魂動天執愛子以長別
歎黃犬之無緣或有從軍永決去國長違天涯遷客

海外思歸此人忽見愁雲蔽日日斷心飛莫不攢眉
痛骨收淚霑衣若乃錯繡轂填金門煙塵曉沓歌鍾
晝誼亦復星沉電滅閉影潛魂已矣哉桂華滿今明
月輝扶桑曉今白日飛王顏滅今螻蟻聚碧臺空今
歎辭稀與天道今共盡莫不委骨而同歸

寡婦賦

并序

何景明

予痛吾兄宦業未竟抱志中逝而孤嫂懷保遺孩乳
乳在疚且訓其長雅志自厲庶以不殄兄之義問矣
痛而更以喜作寡婦賦以道其志焉

嗟伊人之伶俜兮。訴明昏以自伸。言我被遺質之薄。
軀兮。竊幼訓之專真。遭盛年之昌運兮。尚君子之末。
陳。侍巾帶之雅惠兮。期畢齒而委身。奉周旋以踰紀。
兮。羗中道以先天。緬日月之恒逝兮。佩生平之末光。
余裊卷以獨處兮。潛幽宮以自防。弛膏鉛之盛飾兮。
脫袿褱之文章。陳單幃以自蔽兮。蓀荃莖以爲香。紛。
履綦之委弛兮。琴瑟偃而不張。修夜漫以靡旦兮。灼。
寒膏而不明。像生存之極娛兮。心絪結而不釋。忽顙。
思而就枕兮。恍若君之我卽。承邂逅於寤寐兮。托精。
魂於遙夕。風飄飄以吹幃兮。起覽視其何適。淚交頤。

以橫下兮。鬼震蕩而無抗。循周除以舒志兮。下蘭室
與蕙房。望明星以撫楹兮。微月鑒而綴廊。秋氣凜以
懽切兮。悲回風與降霜。痛蕙草之不敷兮。撫梧桐之
凋傷。感孤獸之離偶兮。耻單翼之無行。遂躑躅以反
室兮。心怛惋而若春。眺丘墳之嵯峽兮。陟山椒而慘
惻。極隴隧之脩延兮。翳宿莽之蔓域。徙荒亭以卽之
兮。眇神靈之莫得。攀下泉之不逮兮。隱哀號而拊臆。
徵受命之不祥兮。艾愆尤於往軌。抱遺孤之嗷嗷兮。
指皎日以爲矢。蹈未亾之微齡兮。敢遺君之盛美。苟
明忱之罔虧兮。豈速殞之可悔。重曰。幼蒙慈育。秉志

良兮服事潔修充君房兮從子遨遊涉江湘兮改轍
東國逾河梁兮思妃文鵠永翱翔兮何意中達失其
行兮嗟維我儀安可忘兮潛身閭內不下堂兮女史
陳圖慕共姜兮恪謹一志舉令名兮閨中之媛永爲
像兮

惜毀賦

盧枏

太陰爲室兮叢棧昏玄雲黢霽兮殺氣淪蓼魍魎笑
兮鬼啾啾鼯鼠呻吟兮虺蛇蟉蟻蟲鱗鱗兮被髮鬢
精淫恍惚兮軼上蒼聖澤霈兮澧澧周道砥兮有枰

佼童兮輕佻馳陂陲兮逍遙俟兮趨志驕蹇越荒居
兮華渚恣恣兮顓頊兮棄鵠鸞奇鵬鵠兮從嬉攀
網且繞被兮矰機綸捆徽纒寤觸兮殷懣結軫禍延
考妣兮童稚離隕室家丘墟兮第霍茂隱寘身園牆
兮玄夜長虹霓爲孽兮日無光痛哭旻昊兮結惛招
帝閭兮眇沫般自列兮莫聞痛際天兮我柏往者逝
兮匪追淑將來兮安宅檻虎豹兮熊羆文威絕兮孰
所爲憲皇網兮冤頸反舊鄉兮何期山龍從兮綠桂
枝禽獸號兮猿狖啼羈縻兮離憂羗長苦兮物類我
思

靜姬賦 并序

王世貞

吳王時有靜姬者國之東海下邑某氏女也家世華
膴父母愛之既饒令姿重以修能讀書史閑內則及
笄而選得入宮掖備六尚之官階至姪何視中二千
石頗亦貴矣而性好閒靜貞孤自樹不善爲蠱又不
善事其長循性而行見憎後進以讒賜退居永巷中
乃爲此賦以自解其辭曰

惟嫠精之下攝兮鍾靈淑於瑯琊嫩心形之窈窕兮
不飾步而阿儺娟然與先後而雜處兮挺瑤幹於蕤

葭嘉命忽其賁臨兮遂托乘乎九霄叶迴天瞬之微
矚兮備九嬪之姪何又得尚君之司馭兮秉上介於
陵園出不敢竊君之薄怒兮入不敢覬君之異恩居
多避而少進兮籍禮義而自藩貴何希乎飾璵兮佚
胡美乎乘軒彗三株之蔽月兮姐姒籍以絃宮衆望
風而魄攝兮肩日脅以先容余獨安此拙薄兮足遭
迴與心應衆旣詠余之蛾眉兮遂飾余以強項乘驪
龍之熟寐兮屏余返乎永巷白日匿光不迴照兮蒙
氣抑邑而干霑彗旣鼓夫裂地之衡飈兮又結橫天
之妖虹紛余憫此同仇兮晨徬徨而筵筭憂後命之

叵測兮竊有冀於將然更申申而詈余兮荃豈畏天
日而甘此冥昏擲歡樂於俄頃兮就沈慙之大年余
旣不獲前衆以矯進兮又安敢後衆而虞退荃方極
意於姬姜兮寧暇惜此菅蒯追昔讐而自數兮覺面
目之可示夜夷然其赴枕兮亦何恨於牀第忽釣天
之自西兮丙夜其猶未竟內忻忻其若偕兮吾王庶
幾無疾病將玉體之不任兮宗社岌乎其焉凭彼彗
亦何知兮惟快心於一誑晨盥漱而就巾幘兮倦玉
階之履綦紅女薄伎不足嬰兮聊發篋而陳書詩感
鳴商之牝鷄兮岐聖方重此關雎棄周鼎而寶康瓠

今悲此之類茲噫噓長門之若歲兮心悅君而不
可得班寄憐於白華兮終鬱鬱而難釋夫大椿亦適
古今矧原秋之飛蘆余將夷長信於未央兮恣逍遙
而無極

後靜姬賦 并序

王世貞

王旣絀靜姬之七年采諫臣言追罰嬖幸之長以次
就理下教大長秋故姬某婉嫕而文以禮自閑孤之
不聰擿不中綮永巷省愆爲日已久其賜湯沐襲冠
服仍守故尚加秩一等使者臨致命靜姬固謝稱疾

新文選 卷五 不具堂
篤不任行使者去乃爲賦以自廣其辭曰

歲際闕逢之涪灘兮攝提貞於孟陬蕩明河使滌兩
曜兮妖彗遁乎窮霄念娥媯之淑清兮王綸渙發於
長秋妾久處此永巷兮寔冥心乎九幽室向隅而迴
照兮水覆地以再收感余髮之昔鬢兮今曲局而不
可沐紅顏包其弗明兮體骨立而膚剝脂澤黯其無
光兮業已奮而中縮裳衣顛倒以恩御兮尋沈吟而
就襍燕啁啾其若賀兮鷄喔喔以噉鳴隣女驚而九
起兮慚阿監之不見徵抑攻中之壯袞兮強修顏而
史行曰天聽忽卑兮帝命不于常舍冥冥之昏墊兮

就昭昭之白日增成賜祓而召見兮輔屬體而若一
蘭膏煜以燭夜兮椒風溫溫乎甲室芬芳溢於北宮
兮餘輝傍映乎西術飲五齊之捫乳兮啖以粬粬與
餒餒二八代射而侍寢兮輕輦出入於洞房目窮葢
珠之燁燁兮耳飽天樂之鏘鏘冠華鬋之七寶兮足
下綵履五文章惟吾儕之雙伏兮荃獨際而鵠伸胡
戀戀此蹄涔兮若夜魚之愛鰓感粲者之見導兮寧
獨瞀而心非人歎君澤之難保兮往事耿其在顰甫
調饑之相迫兮糗草甘而自腴胡啖余以八珍兮譎
余而侈其喉得失若循環兮實銷顏之冶鑪羗侘傺

於一朝兮痛前轍之不須臾臥拖紳而冒絮兮不敢
發乎君矇銜回枯之至仁兮雖槁歿其奚能忘慚陋
質之么膺兮敢偃蹇而自托乎貞姜惟寢瘳之沾侶
兮恐以薦乎君王感雨露之汪濊兮願均施乎萬卉
彼怨女啐詠於深宮兮誠畏停乎余耳念宗祧之鼎
維兮又重虞乎玉體昔余皈誠於西母兮侍真餐焉
而啓齒重曰生理有涯兮欲無涯元真易去兮不易
歸有情無情兮我媚我務恬澹寂寞兮千齡爲期

愁賦

王世貞

搖落窮秋云胡在心
芬如蠶絲歷亂難禁
又似膠漆黏結不分
沈冥晝晦鬱術寒雲
七情之表五蘊之外
別構愁國金湯衣帶
海輸何竭酒攻不解
於是僕產樂土晚繫
愁庭出入愁伍寢食
愁并朱顏向墨鬢鬢
移素中腸陰窳駢脅
徐露隣歛尺寸厭生
萬端撫膺搏頰聊舉
其凡在昔齊相初羈
燕儲未釋狐腋已空
烏頭尚黑賄幸姬今
不顧望故鄉今長隔
鷄迫明而咿喔馬中
夜而蠶栗峭關垂啓
追兵已迫若乃慶卿
旣遣呂王若故刃隔
提囊屍分踞柱秦兵
電發檄書星布君父
怨謫國人指詈遼左
奚匿易流堪揭撫頭

顧而非我知社稷之他氏至如蘇季獻策三年不收
燃桂欲燼因鬼虛謀貂離披而別體馬跼蹐而異投
鼎機轉軋憂釜誰畱榮將貴逝辱與賤求爰有中廢
長門追寵增成君恩一失六宮見輕玉堦絕跡銀井
無聲明月含波春花欲霰宮車徑度蕭韶別殿空乞
賦於黃金但沈吟於紈扇又乃棄妻斥女械思賈公
爰爰白兔趯趯草蟲鴛鴦瓦圻玳瑁牀空潛戍不歸
嘉書未返鐵嶺天遙榆關夢轉覩三星以何夕歎流
年之漸晚其或中朝鳳女遠嫁烏孫臨發空服羣情
奇溫窮廬代字服匿承罇鬚髭枯面凋嗽默言吟楚

我之金屋隔縹緲之玉門雖托情於黃鵠竟絕軌於
南轅載有王稽內誅安平外畔應侯奉朝明主興歎
一士諤諤沈幾先見欲辭不可覺禍難遠嗟富貴之
履危仍寄願於貧賤未若屈子懸腸郢都削跡漢涖
詹尹謝筮漁父鼓枻隱宗國之猶綫慨讒父之爲蠱
樂猗桑之無知覩耿雉而尚寐抱石匪遠回光難覲
及夫晉祚中衰司空被羈盧郎感交破涕爲詩如何
撫枕遂異聞鷄倚危譙而清嘯挾扶風之妙辭雙輶
駭駟華蓋摧圯百煉繞指七尺難期於戲梁獄重關
夏臺累榭四候辭春兩儀偏夜雀鼠同貪荆棘互藉

貝錦滔天金鷄杳赦功成不賞冤極何論感飛霜於
六月遲返照於九閭身將奮而俄掣聲欲舉而潛吞
惙于垣之屬耳獨黯然以銷魂亂曰秋風至今愁以
來秋風逝兮愁不歸愁帶長兮無可減愁淚枯兮不
沾衣萬古愁兮一身歛祇應人世有愁稀

論文

玄圃園講賦

蕭子雲

曰大監之十七屬儲德之方宣惟玉帛之光盛信昌
符之在焉於是上照天下漏泉輪囷之氣吐煙日月

之景揚員乃聖武之龍飛載爲家於天下思承規於
景數遂長發而明社若重光於有周似二英於皇夏
方前星而列曜播洪鐘於胤雅去茲永福來卽東朝
文物是紀聲明是昭發玄章於粉纈靡青綏於翠翹
鑾納那而垂藻笳和鳴以承簫載錫其光令聞令望
察情幄帳讓齒虞庠性與天道言爲珪璋詩史遙集
禮易翱翔義華洛水文麗清漳昔七覺之吐華高人
天而爲長道西被乎日用法東流而未朗故授神荊
於文昌寄寶船於明兩異昔談而同世亦千年而影
響聞填填之法雷見慧雲之初爽真如之軌旣接發

揮之功已躡開金泥剖玉牒削蒸栗之簡採羅樹之
葉石室靈篇南宮神篋所以一音不已而待規重矩
疊者矣惟至人之講道必山林之閑曠彼奈園與杏
壇深淨名與素王模清遊之浩養擬樂賢之隆壯睿
情杳然是焉供帳乃高談玄圃之苑張樂宜猷之上
觀夫靈圃要妙總禁林之窅窅稟輦道之三星躔離
宮之六曜寫溟浚沼方華作峭其山則剡施貍豸礪
礪諷詭坂嶧嶽嶧夏含霜雪下則谿壑泓澄虹蜺降
升上則青霄丹氣雲霞鬱蒸金華琳碧燭銀硯石藻
玉摘白丹瑕流赤周以玉樹灌叢紫桂香楓簣簴含

人桃枝育蟲妙草的皪靈果垂蔓長卿寒翠簡子秋
紅崖戴雲而吐雨木鳴條而起風中有蘭渚華池淥
流澗潭激水推移彌望杳冥倒飛閣之嵯峨漾釣臺
而浮迴張翠帷於鴻船汎羽旒於雀艇鳥則杉鷄繡
質木客錦章載勝吐綬鸚鵡鷗香壁龜紫鰲鷗鷗鴛
鴦風鳴日思高廣浮長內則錢苻菱華菡萏散葩碑
砢巨石潰滄碧砂離筵比目累綺紅蝦漂青綸之蓑
折蕩碧組之鬚髣銅龜受木而獨涌石鯨吐浪而戴
華所以藉園籞之壯觀將髣像於毗耶於是清宮廣
闢宿設宵張華燈熠燿火樹散芒斂閃六尺籠叢九

光穎若流金之出沙嶼粲若列宿之動天潢朝矚朗
而戒旦雲依霏而卷簇輕輦西園齊宮北園文衛濟
濟僧徒肅肅法鼓朗而震音衆香馥而流馥亦有百
獸駉駉矚矚雲車九層芝駕四鹿吳姬楚艷胡笳燕
筑常從名倡戲馬蹋鞠巡少陽渡紫複繞崇賢瞰承
祿揚散華之飄颻響清梵於林木燈王歸而贈筵香
積來而獻熟似衆聖之乘空若能仁之在目旣而俄
軒有睟肆筵授几高殿肅而神嚴微言欣而奏璫煥
嘉語於丹青得親承於音旨智周物而爲心情研幾
而盡諦言超超而出象理疊疊而踰繫魏兩娛心之

談未足云晉儲真假之理豈能逮史臣乃載筆撰功
請事其職賦金相模玉式世旣聞甘露之言民已登
仁壽之域矣將奉瑤宮之軌陪雲樓之軾福穰穰委
如山長莫長永無極

反反惡賦

并序

徐禎卿

昔楊雄作反騷論者多過之予閔原之含忠隕鬱且
復獲謗遂援筆慷慨賦反反騷辭曰

稽邛氏之攸肇兮纍楚均之遐颺侯帝項之流胤兮
承靈澤之汪漑夙陳力於皇軌兮歆仁朗之所廬仄

仰吾均之潔修兮羗引軀以伏羲播昌烈之赫煜兮
集衆芳之霏霏憤遭世之眊濁兮雜紛揚於江之汜
在炎漢之微季兮孰臨岷而悼均投束藻之欲麗兮
何理拙而誅深寃志而抑道兮冀披誦而有明惟帝
監之孔嚴兮敢黨族而誣貞初均幼志於粹清兮乃
中情之獨與謇厲節以植身兮熹浩蕩之修譽進疊
疊於中行兮恐日月之凋邁準前修以共蹈兮遑先
時而逆敗約性行以赴渠兮經五常以綴佩靈修謂
其允淑兮目成歡而叶妃夫均旣沐靈修之昵澤兮
又信言之噲噲苟中路而遷好兮寧余心之有介泚

光華之的皪兮衆睟睟而妬之何有懼讒與招慝兮
排蛾眉而錯之颺蕙服之芬郁兮遭紛媚而幽毀寧
遭幽以迸斥兮敢詭汙而合穢鳳凰翔林而挂網兮
龍行陸而困蟻爲鳳凰神龍豈無知兮亦處身之多
虞所貴賢者之韞玉兮不迷邦而遐舉哀宗社之不
長兮比干皇皇而不忍去世蔑復以和明兮心耿耿
以無從涉湘波以南遡兮昭均心之確忠俗叢蕭而
鄣蘭兮寔重華之所醜効精白以殞軀兮自先聖之
所厚奉靈氛之玄筮兮申以巫咸之嘉告覽九州以
求匹兮寧閨容之有淑測神占其未然兮豈均曾好

此詭疑論從人以辱義今不如赴身於淤泥餐秀芬
以介齒今竟河清之難俟違苟生以保譽今夫何悔
於九歿汎浮雲之翳翳今晦沈茫其曷排陽陵微而
渝度今晨北風又雨霾精徘徊而不去今憑拙誠其
未爽人情重於捐故今焉冀白日之回光懷薜蘿與
荏蘅今時不與其有芳雜緄拉以颺波今馥烈烈其
彌章精氣通於至清今神髣髴以憑虛駕玉蚪與雲
驂今訪太素之舊廬聞至道其可承今欽均誠之匪
懈舍佚遊以自湛今夫何以誅其好怪昔貞士之蒙
佞今憤伏斃而靡悔務光沈於淵瀨今將惡浮埃之

霏霽忠賢切切以苦身今蓋有隱於隳祚題三仁之
所裁今見歎譽於孔父獨耿耿而覲悔今曾吾均之
所尤日邛懇之惟誠今駢執正於陽侯

音樂

箏賦

梁簡文帝

江南之竹弄玉有鳴鳳之簫焉洞陰之石范女有遊
仙之磬焉若夫排雲入漢之美含商觸徵之奇罷雍
祠之麗響絕漢殿之容儀別有泗濱之梓聳幹孤峙
負陰拂日停雪棲霜欽岑崱嶸玄嶺相望寄丹崖而

茂采依青壁而懷芳奔電碣突而彌固嚴風猗拔而
無傷途畏峰澁人羣罕至乃命夔班剪而成器隆殺
得宜修短合思矩制端平雕鏤綺媚旣而春桑已舒
暄風晻曖丹萸成葉翠陰如黛佳人採掇動容生態
值使君而有辭逢秋胡而不對里閭旣返伏食蠶饑
五色之繆雖亂八熟之緒方治異東垂之野爾非山
經之歐絲於是制絃擬月設柱方時若夫鏗鏘奏曲
溫潤初鳴或徘徊而蘊藉或慷慨而逢迎若將連而
類絕乍欲緩而頻驚陸離抑按磊落縱橫奇調間發
美態孤生若將往而自返似欲息而復征聲習習而

流韻時怳怳而不竑如浮波之遠驚若麗樹之爭榮
譬雲龍之無蒂如笙鳳之有情學離鴟之弄響擬翔
鴛之妙聲朱絃在手擊重還輕爾其曲也雅俗兼施
諧雲門與四變雜六列與咸池王讚旣工阮賦亦奇
曹后聽之而懽譙謝相聞之而涕霑至若登山望別
之心臨流送歸之日隴葉夜黃關雲曉伏睹獨鴈之
寒飛望交河之水縮聽鳴箏之弄響聞茲絃之一彈
足使遊客戀國壯士衝冠若夫楚王怡蕩楊生娛志
小國寡民督郵無事乃有燕餘麗妾方桃譬李本住
南城經移東里納千金之重聘擅專房之宴私方美

珥而不減擬甘橘而無噍聞削成於斜領照玉綴於
鉛脂度玲瓏之曲閣出翡翠之香帷腕凝紗薄珮重
行遲爾乃促筵命友銜觴置酒耳熱眼花之娛千金
萬年之壽白日蹉跎時淹樂久玩飛花之度窓看春
風之入柳合麗人於玉席陳寶器於紈羅撫鳴箏而
動曲臂輕薄之經過黛眉如掃睂睂成波情長響怨
意滿聲多奏相思而不見吟夜月而怨歌笑素彈之
未工疑秦宮之詎蘇若夫釣竿復發蛺蝶初揮動玉
匣之餘怨鳴陽鳥之始飛逐東趨於鄭女蘇西舞於
荆妃足使長廊之瓦虛墜梁上之塵染衣鱣魚遊而

八能效技六變程才觀雲龍之鬱郁望威鳳之徘徊
沛縣畱三日之飲平樂有十千之杯揮秦箏之慷慨
伐晉鼓之嘽嘽皆能協宮和徵節往通來宣奏有序
度曲可觀鄙金鋪之非德噲商鼗之易殫應南斗之
鳴瑟雜西漢之金丸若夫伏波出討貳師遠征蒲昌
對戰孤竹臨兵映似月之遙羽飛如鳧之去旌軍魚
麗而齊上陣龍膝而俱行望烏雲之臨敵聞條風之
入營壯士被犀良馬絡鐵野曠塵昏星流電掣日侵
山而欲隱霧凌空而不滅望水色其如花覩奔沙之
似雪咸聽響而先登金聞鳴而爲節當此時也盡角

耻吟胡笳不思刀斗暫捐金鉦虛置何資和之不營
而吐聲之雄異制六師之進旅驚三軍之武志嗟吾
弟之博物實愛奇之已深識且鑒於鳴石貺有踰於
兼金如陳器於栢寢似出鼎於汾陰豈寶玦之爲貴
非瑚璉之可欽昔武都之一扇乃銘功以述心矧元
常之伍熟又刻篆以書音况茲贈之爲美而古跡之
可尋聊染翰而操筆終有愧於璆琳

笙賦

李百藥

馬南郡天才艷發含章挺生旣研精於舊史亦流悅

於新聲佩銀章於東洛分竹使於南荆芬盛德於蘭
茝獵香風於杜蘅縱調文於雅笛畱神思於和笙客
有寓於郢都者聞結風之妙曲預高堂之歡宴拂長
袖而善畱絕飛纓以增盼重鳳翼之次羽愛鸞音之
清轉請體物而味言寄風流於藻絢君曰縣苑出自
西河奇幹生於南國山川載挺之異班倕攄思之德
固常人之所知無假言於翰墨至於曲引繁會之美
才人妖麗之則實有動於余衷庶陳詞而祛惑覬傳
芳於風雅將永代於刊勒客曰唯唯惟八音之遞作
總六律而相旋徐疾短長之攸濟寒暑風雷之所宣

清廟象功則韶舞播於金石良辰歡宴則鄭衛流於
管絃豈無求於變俗將區分而在焉於是玄英在呂
青陽戒律雲捲蕙樓風生蘭室柳佩翠而辭寒梅含
香而受日始覺華樹鶯啼早不悟雕梁燕來疾縱勝
氣之逍遙春光而怡逸命郊驛以迎賓蘭華茵而
促膝玉饌厲而不爽金壘湛而將溢佳麗新壯徐步
長廊風搖裙佩日照釵梁慣同瑯輦乍出閑房時顧
步而疑進或輕臨而欲翔耀千金之重價婉二八而
成行發繁絃於流徵動浮磬於清商舒披蓮於舞席
散垂藻於歌牀獨仙吹之容裔將陵雲而抑揚見秦

趙之音劣識巴渝之調下掩衆技而奪氣諒聲高而
和寡歌狂會於楚謠詠承筐于周雅旣駭聽於吳札
亦畱神於晉野婉婉鴻驚喈喈鳳鳴或萬殊而競響
乍孤嘒而飛聲清則混之而不濁濁則澄之而不清
實當無而應有固虛受而徐盈舄奕多緒紛綸難狀
抑之則徘徊綿密申之則散朗空亮始掩劒以夷靡
終優游以怱悵隨流睇而煦愉應微嘖而悽愴挫玉
簫之清管息瓊篁之虛唱落遺嘒於梁間墜纖腰於
掌上旣而重門半掩高宴將終飄餘音於霄漢遏嬌
韻於房櫳遠而聽之若遊鶯翔鶴嘹唳飛空近而察

之譬瓊枝玉樹響亮從風信絕俗之神解何變態之
無窮爾乃綺帳垂妓行散巫雲歛楚妃歎獨婉孌於
瑤笙尚纏綿於皓腕蘇合薰今龍燭華連理解兮死
神粲既藉寵而橫陳恣深心之秘翫懼管聲之易歇
恐君愛之難終起長歌於清夜寄微意於春風歌曰
新聲雖自知舊寵會應移無令棗下吹變作一枯枝
重歌曰爲想雍門歎當思執燭遊不惜妾身難再得
方期君壽度千秋

聽歌賦

應魏王敎作

謝偃

君王以政隙務閑披翫餘日闢華軒以遐想臨風庭
而自逸於是屏青編收縹帙息柔翰韜雅瑟情廓志
遠慮靜神謐於時日下梧宮陰清竹殿鮮雲始發光
風初扇餘霞未歛殘虹猶見玉輦旣陳蘭肴乃薦登
龍閣而騁目臨曲池而游眄於是徵趙女命齊倡動
瓊珮出蘭房橫寶釵而耀首靚鉛華而飾粧低翠蛾
而歛色睇橫波而流光聲欲申而含態氣未理而騰
芳乍連延以爛熳時頓挫而抑揚始析宮以合徵終
分角而和商掩餘韻於雕扇散輕塵於畫梁若夫振
幽蘭飛激楚俯仰艷逸顧盼容與其繁會也類春禽

振響而流變其微引也若秋蟬輕吟而曳緒似將絕而更連疑欲止而復舉短不可續長不可去延促合度舒縱有所聽之者慮蕩而憂忘聞之者意悅而情紓歌未終君王乃喟然歎曰夫樂者所以通神明節情欲和天地調風俗觀往代之遺風覽前賢之軌躅莫不治亂斯在興亡攸屬是故聖人以爲深誠君子以之自勗於是放鄭衛引鄒枚臨廣苑涉崇臺肆東平之樂包天下之才盛矣美矣優哉游哉

觀舞賦

應魏王敎作

謝偃

惟欽明之昌運應靈圖而嗣錄紐三代之離術正千
齡之差朔可以治定制禮可以功成變樂實磐石之
攸寄固維城之斯屬欣微生之多幸濫高選於名藩
列通籍之渥惠承置醴之殊恩晨曳裙於東閣夕侍
宴於西園於時霜氣歛靄夜景澄廓雲撤層臺煙銷
連閣流月華以照耀間星文而灼爍巖桂偃而未凋
宮梧紛而就落於是羅薦周設黼帳高舒露凝珠網
風清玉除燭浮輝於緹幕燈籠光於綺疏爾乃咀哇
聲揚激徵金石奏絲桐理奇調間發新聲互起促宴
洽而忘疲歡情暢而未已於是燕餘齊列絳樹分行

曳綃裾兮拖瑤珮簪羽釵兮珥明璫擢纖魯以孤立
若卷旌之未揚紆修袂而將舉似驚鴻之欲翔退不
失倫進不踰曲畱而不滯急而不促絃無差袖聲心
應足香散飛巾光流轉玉若乃巴姬並進鄭媛俱前
對席齊舉分庭共旋乍差池以驚接又颯沓而鳬連
止有餘態動無遺妍似兩艷之同發類雙花之偶鮮
進止合度俯仰若一節緩則顧遲唱速則迴疾殊姿
異制不可殫悉若夫金翠的皪紺綺參差方趨應矩
圓步中規飛鈿雪落頽髻雲垂舒類飛霞曳清漢屈
若垂柳縈華池旣而曲變終雅奏闋清角止流商絕

瑱華履以自持整文袿而竚節始綽約而迴步乃遷
延而就列於是君王悠然懷古怡然自適遷思迴慮
弛懸改夕揖摛藻之賓引良談之客然後討覈八使
詆訶六籍語妙則衆絕希夷論遠則喻窮開闢議先
哲之往軌考前王之餘迹方欲草登封之頌勒雲亭
之石與日月而齊明同天地之不易

情

七夕賦

若夫銅儀改候。金氣迎辰。驚飛灰於素管。送流水於

清旻聽涼風之唳響。視秋露之凝津。月蒼蒼而上桂。
風蕭蕭而吹筠。步廣庭而延佇。仰層漢而馳神。惟暮
序之靈匹。仰良宵而展會。息龍杼於仙機。駕羽橋於
淺瀨。耀九微之華彩。澄八極之氛靄。儼翠鳳以翔鑣。
舉丹蜺而振旒。籠霧縠於雕輦。疊雲花於綺蓋。舟容
裔於水濱。駕逶迤於煙外。若乃仙娥侍轂。玉女承駢。
羸簫後唱。洛鼓前揮。褰九霄之雲幄。曳五色之霞衣。
珮瑤星而玉振。扇掩月而紈飛。陵紫宮而沉景。轡黃
道而騰暉。始徘徊而好密。契方阻而情違。悵此夕之
行。盡恨前秋之未歸。恹宵光之不駐。滋晨露之將晞。

於是蚪水移箭。魚關驚鑰。槎客河低。針樓月落。分一
筵於俄頃。解雙袂於今昨。河漢忽其無梁。秋期杳其
無度。銜別緒而惆悵。對離居之寂寞。思纏綿於曉鷄。
情顧盼於歸鵲。浩長歌於耿介。弔孤影其焉託。歌曰。
悲莫悲兮離別。長怨莫怨兮私自傷。歛橫波而向秋
野。垂玉筍兮沾羅裳。歌響既畢。恍然如失。獨盈盈兮
一水間。空望望兮三秋日。

嬌女賦

唐寅

臣居左里有女未歸。長壯妖潔。聊賴善顧。態輕多媚。

窈窕不妬既閑巧笑流連雅步二十尚小十四尚大
兄行出賈長嫂持戶日織五丈罷不及暮三丈縫衫
餘剪作袴抱布貿絲厭浥行露負者下檐行者佇路
來歸室中嘖嘖怨怒策券切閱較索美貨着屐入被
不食而餽雙耳嘈雜壯神怖形之夢寐彷彿會晤

咀桂嚼杜比像陳賦壯

夏蛻額廣平而春蛾出角

脩眉揚而白雲懷山黛浮石而朝星流離日端詳而
華瓠列犀齒微呈而含桃龜膚口欲言而齒齧承露
舌含藏而蝦蟇蝕月顛髮圓而毒蠆搖尾髻含風而
鴉羽齊奮飾梳粧而游魚吹日口輔良而蝶翅輕暈

與以微動兮體陂陀而精蕩潏薄怒以相難兮旋靡
迤而態暢爾乃下裝金恣歡情沈湎日夜極欲所營
乍百草兮艷陽又羣芳兮素秋胡鴈鳴兮憶故鄉逝
將返兮動離憂幾抗軔而北發重媯然而且畱若乃
聊城控急邯鄲被圍射書則紛難立解竊符則趙魏
焉依回驪迅赴媚子頓違羈棲就道繾綣去闈送復
送兮遠山曲行復行兮大河隈飛雪掩野悲風北來
枚血相對洒涕銜恩妾居齊右君家薊門慘子祛兮
蒼玉玦捐余佩兮贈王孫於是願假須臾似行未辭
何以報之錦帶幡而方其織下秦川之機垂諸燕市

之俠颺纓繡於輕颺繫陸離之長鋏容兮遂兮鞞鞞
獵獵於是引如霜兮并刀剖五色兮紛捕摻乍若彩
霞初斷倚若木又如虹霓中絕垂碧濤鵲鸕兮鳳凰
羽翼兮乖傷令黃河兮如此帶置懷袖兮天地長女
如束素郎亦青衿雖縷思之乍分庶離緒之可尋羗
良會兮終合將永結兮同心於是紆領徘徊引踵遷
延痛一逝而異鄉恐芳華之坐捐驅征輪兮不顧望
行塵兮霑巾塵漠漠而無間別脉脉以方新居人閨
掩遊子馬嘶夢遙遙以空逐形恍恍以長睽撫此物
兮準疇昔欲往從之誰爲攜

續文選卷之五

終







